




John Carter Brown
Library
Brown University


*The Gift of
The Associates of
The John Carter Brown Library*


400-


Frank Condon Frank

Wool 2.6









LETTRE

ESCRITE

DE CAYENNE;

CONTENANT CE QVI

s'est passé en la descente des
François, & leur établissement
en l'Amerique.




A PARIS;

Chez GVILLAVME DE LVYNE, Marchand
Libraire, au Palais, sous la montée de la
Cour des Aydes.

M. DC. LIII.

THE
OF THE
OF THE

OF THE
OF THE
OF THE



OF THE
OF THE
OF THE



LETTRE ESCRITE DE CAYENNE;

CONTENANT CE *QVI S'EST*
paßé en la descente des François, &
leur establisement en l' Amerique.



E croy que vous aurez esté informé par la lettre que ie vous ay escrite par Monsieur de Courpont, de tout ce qui nous est arriué iusques à Madere, où le Gouverneur Portugais, par vne magnifique reception, nous donne toutes sortes de tesmoignages de l'estime, & du respect que la nation Portugaise conferue pour la nostre: Nous en partismes le cinquiesme d'Aoust, & passames le Tropique le douziesme, avec ce vent fauorable, qui ne quitte point les Vaisseaux iusques

A ij

aux Indes, depuis qu'ils ont gagné la hauteur des Canaries. Les Matelots n'oublierent pas leur ancienne coustume, de baptiser ceux qui n'ont pas encore passé le Tropique, ou de leur faire payer du vin: Monsieur de Royuille commença la cérémonie, les Associez le suivirent, & en suite les Officiers; Monsieur de Royuille qui abusoit desia de son autorité, voulut faire passer le Capitaine de ses gardes, devant les Officiers du Regiment de la Compagnie; cela fut cause de quelque contestation, en laquelle Monsieur de Royuille comme il faisoit en toutes autres choses, descouvrit vne partie de ses mauvais desseins: Les honneurs que l'on auoit rendus dans Madere à la charge dont la Compagnie l'auoit honoré, luy auoient mis dans la teste, qu'il n'auoit plus de Compagnons, & qu'il auoit autant de subjets, qu'il y auoit de personnes dans la flotte; Il ne demandoit plus les aduis des Associez dans les choses mesmes d'importance; & rien ne se passoit plus dans les Vaisseaux que par ses ordres, ce qui nous faisoit fort mal passer le temps, & nous empeschoit de goustier le bon heur de nostre Navigation, qui ne fut troublée, depuis que nous eusmes passé le vingt-cinquesme degré iusques au dix-huict, que de l'incōmodité que causent dans les Vaisseaux, les nuits humides des costes de Guinée; & vn vent de Sud serendit moins fauorable. Nous approchions du neuuesme degré, quand nous descourismes devant nous à quelques deux lieus du Saint Pierre, vn petit Vaisseau; Nous crû-

5

mes d'abord, que c'estoit celuy du Sieur Courpont, qui s'estoit separé des nostres à la sortie de la Manche, & qui s'estoit peut-estre arresté dans quelqu'une des Isles du Cap - Vert; Mais nous reconneusmes bien-tost, que ce n'estoit pas luy, & soupçonnasmes que ce pouvoit estre quelque vaisseau Flament, ou Anglois chargé de Negres pour le Bresil: Nous ne sceusmes que iuger de l'indifference dudit vaisseau Saint Pierre, qui ne se mettoit point en deuoir de luy donner la chasse: Mais on a sceu depuis, que c'estoit à cause que l'on y faisoit alors le seruice d'un de nos Officiers mort de maladie; Il fut resolu dans nostre vaisseau la Charité de s'en approcher; on mit toutes les voilles au vent, & en peu de temps, on laissa derriere le vaisseau Saint Pierre: Mais parce que nous le perdions de veüe, à mesure que nous-nous approchions du Vaisseau que nous poursuiuions, nous iugeasmes à propos de relascher, de peur de nous separer. Le lendemain, le Saint Pierre nous enuoya sa chaloupe, pour auoir du biscuit, dont il n'estoit pas si bien fourny que nostre vaisseau la Charité; Par la mesme voye vn Capitaine du Saint Pierre escriuit à Monsieur de Royuille qu'il estoit malade, & que l'on le laissoit manquer d'eau; & il est vray, qu'on commençoit à la mesnager dans le Saint Pierre, dans l'incertitude du temps que l'on deuoit estre encore en mer. Cela mit en telle rage Monsieur de Royuille, qu'il luy prist cent fois enuie d'aborder le Saint Pierre, en tirer Monsieur du Plessis, & y commettre vn Capi-

taine à sa deuotion : Il ne parla plus que de fers, & de ietter dans la mer le premier qui luy desplairoit: Monsieur de Bragelogne fit ce qu'il pût pour le rendre plus raisonnable; la douceur & la moderation avec laquelle il luy parla ne seruit qu'à le rendre plus farouche, & plus insolent, il crût que l'on faisoit par timidité, ce qu'on ne faisoit que par prudence, & ce fut alors que ces déportemens, tout à fait tyranniques, firent songer à la seureté publique. Sa Requeste au Roy escrite de sa main, qui descouuroit à nud ses intentions, tomba entre les mains des Associez, & les ordres donnez pour les exterminer dans les deux Vaisseaux leur furent reuelez; à quoy on donna l'ordre que vous avez veu dans le procez, que l'on vous a enuoyé, dont les circonstances vous pourroient icy estre ennuyeuses. La conjuration de Royuille ayant finy avec luy, & la punition que l'on fit d'un si meschant homme, ayant remis le calme dans nos Vaisseaux, ils continuerent leur route, & arriuerent à un degré près de la ligne; Les courans de la grande riuere des Amazones, nous firent dériuer iusques au quatriesme degré, & lors nous vismes la premiere fois la terre de l'Amerique, le vingt-cinquesme de Septembre. Le lendemain on mit en mer la chaloupe, qui aborda vne petite Isle, nommée du Connestable ou des Oyseaux, parce qu'elle en est toute pleine; ils sont plus gros que nos Oysons, & si peu effarouchez que nos gens à coups de bastons en assommerent sur leurs nids assez pour en remplir deux cha-

loupes ; ce qui seruit d'un nouveau rafraichissement à nos gens : Cette petite Isle n'a que demie lieuë de tour, & est si couverte de ces Oyseaux qu'on en auroit aisément chargé un Vaisseau, sans qu'il en coustast seulement un coup de fuzil. Le lendemain on alla encore reconnoistre la terre, & on fut obligé d'encrever souvent, à cause qu'on ne trouuoit en quelques endroits que trois brasses d'eau, & que les bancs voisins de la coste estoient à craindre: Vers le soir Monsieur de Vertaumont, suivi de quelques Soldats, s'approcha de terre dans la chaloupe ; ils virent venir à eux un Canot party de Cayenne, qui portoit sept ou huit François ; ils demanderent d'où estoit la barque, & Monsieur de Vertaumont ayant respondu de France, ils passerent dans nostre chaloupe, qui les porta au bord la Charité, où ils coucherent : Nous apprismes d'eux que Courpont n'estoit pas encore arriué, & qu'ils nous attendoient il y auoit long-temps : ils monterent à nos gens la route qu'il falloit tenir pour venir à la Rade, & Monsieur de Vertaumont en ayant laissé une partie dans la Charité, aborda Cayenne avec les autres, & prit terre à Ceperou, où est à present basti nostre Fort. A l'abord de nostre chaloupe on tira deux coups de canon. Le iour d'apres nos Vaisseaux ancrerent, & furent aussi tost abordez d'un canot de Sauvages, qui apporterent aux nostres des fruiçts du pais, & des plus belles Oranges du monde, des Poules, du Gibbier, & d'une sorte de boisson, meilleure que la bierre qu'ils appellent

du Palinot. Ils estoient dix ou douze, grands & bien faits, le col & les bras parez de rassades, & de grains de cristal, & la teste couuerte de plumes de certains Oyseaux, qu'on appelle Flamens; leurs femmes aussi bien qu'eux, sont toutes nuës, & aussi bien qu'eux, peintes par tout le corps de Rocou, qui est vne espee de peinture rouge: leurs Canots qui les portent en mer ont deux fois la longueur d'une chaloupe, & ne sont larges que de deux pieds & demy tout au plus; leurs rames n'ont pas plus de trois pieds de long, avec lesquelles ils font aller leurs Canots fort viste; Ils nous tesmoignerent beaucoup de satisfaction de nostre arriuée, & c'est tout ce que ie vous en puis mander, quand nous les aurons pratiquez dauantage. ie vous informeray plus ample-ment de leurs personnes, de leurs mœurs & de leurs coustumes, & façon de viure. Messieurs de Bragelongne & de Bezon, descendirent à terre, les François desia habituez dans l'Isle, tesmoignerent qu'ils estoient ravis de nostre arriuée, & de descendre de la Compagnie; ils estoient au nombre de trente, tant hommes, femmes que petits garçons. Leur fort, si l'on le peut appelle Fort, n'estoit qu'une enceinte de bois ou pallisade, fortifiée d'un petit fossé; ils auoient quelques rafraichissements, comme poules, fruiçts & du lamentein salé, poisson particulier en cette mer là, & qu'on peut appeller la Mane, ou la chair quotidienne de toute la coste. La pesche en est facile, & se fait avec des harpons de fer, en si grande abondance, qu'on fait
sa pro-

sa prouision pour toute l'année, comme icy de celle de pourceau, tant dans le Continent que dans les Isles; il s'en prend dans la terre ferme, incomparablement dauantage que dans les Isles, & nous en ferons vn vtile commerce en Leuant dans les Isles, les marchandises qui y coustent beaucoup à faire avec ce poisson là qui ne nous coustera guere à prendre, la chair en est meilleure que celle de veau, & la graisse est comparable à nostre beurre, sans auoir aucun goust particulier. Courpont arriua six iours apres, & pour ie ne sçay quelle raison que nous ignorons, & dont nous ne nous sommes pas mis en peine; s'en retourna comme il estoit venu sans mettre ses gens à terre: Aussi-tost que les nostres furent tirez du Vaisseau, au nombre de huit cent personnes sans les Matelots, on les fit hutter au pied de la montagne de Ceperou, où est presentement nostre Fort, comme ie vous ay desia dit; le lendemain on les distribua pour y trauailler, on monta nos trois Barques, on bastit vn four & vne forge, & en trois semaines le Fort fut en défense; Et cependant Monsieur de Manuille qui estoit demeuré malade dans le vaisseau la Charité, mourut de sa maladie. Les Indiens nous donnerent aduis, qu'une Barque d'environ cinquante tonneaux auoit passé de nuit, à la veuë de l'Isle, & s'estoit arrestée à cinq ou six lieues au dessous de Cayenne. Monsieur du Plessis alla apres, dans vne de nos Barques, armées de quelques pieces de canon, & l'ayant abordé elle ne fist point de resistance; le Commandant estant Espagnol, &

sans Commission, fut reconnu pour Forban, & la
 barque iugée de bonne prise: Elle estoit chargée de
 quantité de hardes & de marchandises, d'estoffes &
 de toilles, on y trouua seize Negres, trois femmes
 & douze Anglois, d'intelligence avec le Comman-
 dant Espagnol, qui auoit surpris la barque au Bresil
 sur les Portugais, & pensoit aller vendre dans les
 Isles, les Negres & la marchandise: Monsieur du
 Pleffis reuint au Fort avec sa conquête, que la Com-
 pagnie s'est confisquée. La barque seule vaut autant
 que les trois nostres, & le moindre Negre est de
 plus grande vtilité, que trois de nos hommes,
 outre qu'ils sont de moindre despence; On laissa
 dans le Fort, sous Monsieur de Vertaumont, qua-
 tre-vingts hommes, tant soldats qu'Officiers, & le
 reste de la Colonie fut conduit à trois lieuës de là sur
 la riuiere d'Armire, où la Compagnie a commencé
 l'habitation generale. Les habitans particuliers sont
 le long de la riuiere, où on leur a distribué à chacun
 vn espace de terre, de deux ou trois cens pas de lar-
 ge, sur huit cens de profondeur, pour y faire leurs
 habitations particulieres proches l'vne de l'autre.
 Tout le monde abat du bois, défriche & plante des
 viures, & nous esperons Monsieur de Vertaumont
 & moy, avec nos six hommes d'auoir au retour
 de nos vaisseaux six milliers de Petun à vous en-
 uoyer, qui vous vaudront pour le moins tous droits
 payez & tous fraiz faits sept ou huit mille francs.
 Les Indiens en font venir sans aucun soin, que l'on
 trouue meilleur que celui du Bresil, qui se vend d'or-


dinaire quatre francs la liure dans l'Europe ; Vn homme peut en faire deux milliers par an, vous deuez iuger par là du profit que vous apporteront ceux que vous ferez passer, qui ne vous sçauroient moins valloir dans deux ans que mille liures de rente par chaque homme, en attendant que le commerce nous donne des Negres qui sont bien d'une autre vtilité, outre qu'ils sont à vous toute leur vie, & que les enfans qu'ils font augmentent le nombre de vos esclaves. Enfin nous sommes dans le plus beau & le meilleur pays du monde, dont la terre qui n'a iamais porté nous doit donner vn Tabac tout autre que celui que l'on fait dans les Isles. Les Canes de sucre y sont trois fois plus grosses que celles que nous auons veües, & viennent plus fortes en vn an & plus succulantes qu'en trois ans à Madere. On en plantera incessamment aussi tost qu'on aura pourueu aux cultures les plus pressées, & nos moulins à sucre qui sont desia commencez nous font esperer qu'aussi tost que les canes seront en leur maturité, nostre maistre d'engin Portugais, nous donnera dans la composition du sucre des preuues de sa suffisance, dont il ne manque pas en beaucoup d'autre chose. Le Bresil n'est pas vn si beau pays que le nostre, & les Portugais n'y ont pas si bien commencé que nous faisons dans nostre Cap de Nort. Si leurs progres ont esté merueilleux, les nostres ne doiuent pas estre moindres, la France estant dix fois plus grande & plus peuplée que le Portugal qui luy est aussi inferieur en toute autre chose, & la nauiga-


tion iufques à Cayenne, eftant plus courte que celle du Brefil, & fans contredits la plus aysée de toutes celles des Indes Occidentales : Mais nous ne fçaurions profiter de tous ces grands auantages fans hommes. C'eft pourquoy ie vous prie de n'efpargner rien pour nous en enuoyer, & fur tout de ceux qui font accouftumez de trauailler à la terre, en pierre, & en bois : Vous verrez par le memoire que ie vous enuoye, les chofes dont nous auons le plus de befoin, on ne peut trop auoir de ferrailles, & d'eau de vie; Vn Sauuage qui nous vifite n'eft pas trop fatisfait quand il n'en a beu que quatre verres, & ils veulent qu'on leur en faffe la mefme largesse qu'ils nous font de leurs breuuages, dont ils nous font boire iufqu'à l'importunité : Pour nous faire honneur avec eux, nous conseruons foigneufement ce que nous en auons auffi bien que nos autres provisions & rafraifchiffement que defunct Royuille a autant prodigué dans les vaiſſeaux que nous auons tafché de les y meſnager, penſant par là ſe faire aymer & nous rendre odieux aux Soldats, en rejetant ſur nous les incommoditez que ſon mauvais ordre leur a fait ſouffrir : Mais graces à Dieu nous voila dans Cayenne & ſans luy, pour le ſalut & le repos de toute la Colonie. L'Iſle de Cayenne eſt ſcituée au quatriefme degré & demy, il n'y en a pas vne dans toutes les Indes plus fauorable à noſtre deſſein, elle eſt ſeparée du Continent par vne riuiera. Le port eſt aupres de ſon emboucheure capable des plus grands vaiſſeaux, & à couuert du vent d'Eſt. Le


fort est naturellement fortifié par sa situation, & commande le port. L'Isle a plus de soixante colines les plus agreables & les plus fertiles du monde. Le Continent est plus plat, & principalement le long de la coste: Toute la terre est couverte de fruits differens des nostres, & incomparablement meilleurs. Entre lesquels l'Ananas est d'un goust rauissant, les vignes y produisent trois fois l'an, & on y mange des melons toute l'année; la mer y fournit du poisson en abondance, & les tortuës qui viennent mettre leurs œufs à terre, deux fois l'année s'y prennent en si grande quantité, que leur viande seule excellente au goust, & fort saine, est suffisante de nourrir toute la Colonie tant nombreuse qu'elle puisse estre. Elles sont si grosses que c'est tout ce que peuuent faire trois hommes que de les mettre sur le dos, & soixâte plus ou moins en peuuent estre rassasiez. Il y en a de plusieurs especes, dont celle qu'on appelle Caver donne les escailles que l'on met en œuvre, & dont le debit est grand: les lezards qui sont en horreur en France, y sont là le plus delicieux manger du monde, & on les garde des mois entiers sans boire ny manger, & sans qu'ils meurent, ny qu'ils amaigrissent. La terre n'est pas moins fertile en gibier de toutes sortes, & en oyseaux, tant domestiques qu'autres, fort aysez à tirer. Les sangliers se trouuent dans les bois par troupes de cinquante ou soixante. Les sauvages en approchent plus aysement que nous, & il faut aduoüer qu'avec leurs flèches ils font plus d'exécution à la chasse, que nos meilleurs tireurs en vo-

lant. Les perroquets & les guenons de différentes especes y couurent les arbres. Les sauvages les en font tomber avec des matras faits expres, & leur adresse en cela aussi bien qu'en toute autre chose est merueilleuse: si nos vaisseaux n'auoient pas à s'en retourner, ie vous aurois enuoyé des Sapajoux. Ce sera pour le second voyage, pour lequel ie feray provision de toutes les plus rares choses que ie pourray trouuer dans le pays digne de vous estre enuoyées; elles accompagneront nostre petun, en attendant mieux, c'est à dire du sucre, ou quelque chose encor de plus precieux: Mais en eschange ie vous repete encor de n'oublier pas des hommes, & de n'espargner rien pour cela: puis que vous n'en ferez point passer qui ne vous valent dès la seconde année plus de mil liures de rente. Vous suiurez aussi, s'il vous plaist, le memoire que ie vous ay enuoyé des choses qui nous manquent, &c.

F I N.







-31269-

E 653

L 651e

[F]

